

بِسْمِ اللَّهِ الرَّحْمَنِ الرَّحِيمِ

The Islamic Cultural Center
OF GREATER CHICAGO



Islamic Community of Bosniaks in North Carolina
6200 Wilora Lake Rd
Charlotte, NC 28212

Poštovani predsjedniče,

Esselamu alejkum!

Nadam se da vas ovo pismo zatiče u dobrom raspoloženju. Ovim putem obraćamo vam se ispred Islamskog Kulturnog Centra u Northbrook kako bi vas upoznali sa novim generacijskim projektom našeg Centra. Kako vam je vjerovatno poznato naš džemat egzistira više od četiri decenije i kao takav smatra se najstarijim bošnjačkim džematom na prostoru Sjeverne Amerike. Konstrukcija džamije u Northbrook započela je davne 1972 godine a okončana 1988. Od dana kad je džamija otvorena na upotrebu pa sve do posljednjih godina naš džemat i darežljive džematlije trudili su se da vrijednim donacijama pomognu kako našem narodu u Bosni i Hercegovni tako i džematima širom Amerike. Brojni kontejneri humanitarne pomoći upućeni su u Bosnu i Hercegovinu tokom rata upravo iz džemata Northbrook.

Posljednjih godina Upravni Odbor našeg džemata usredotočio je svoju pažnju na renoviranje i popravku tridesetogodišnje džamije i prostora oko džamijskog objekta. U tu svrhu prikupljeno je i uloženo u džamiju preko \$200,000.

Naš zadnji i prema mnogima najveći projekat još od utemeljenja džamije jeste kupovina vakufske kuće. Upravni odbor i skupština džemata velikom većinom glasova odlučili su da kupe kuću u neposrednoj blizini džamije koja bi bila korištena za imamski smještaj. Projektom vakufske kuće džemat bi dugoročno uštedio značajna finansijska sredstva, omogućio što kvalitetniji rad džamije, kao i obezbjeđio siguran i pogodan smještaj sadašnjem i budućim imamima.

Vrijednost projekta vakufske kuće je oko \$400,000. Iako su značajna sredstva sakupljena u ovu svrhu od brojnih donatora, mi se ovim putem i vama obraćamo da nas, u skladu sa vašim mogućnostima, podržite u ovom hajirli i vrijednom projektu. Svjesni smo činjenice da su svi naši džemati u procesu izgradnje, širenja i obnove, ali se ipak nadamo da zajedničkim snagama, kao što je to bio slučaj i do sada, možemo daleko više postići.

U nadi da će ovaj dopis naići na vaše razumijevanje i puno razmatranje mi vam se unaprijed zahvaljujemo i mahsuz vas selamimo.

Vaš,

Dr. Hazim Fazlić

Imam Islamskog Kulturnog Centra u Northbrook

1810 North Pflingsten Road • Northbrook, Illinois 60062 • Phone: 847/ 272-0319